

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 2142 del 21/08/2024**

**Traduzione in ladino**

# **Al Forum European de Alpbach l'intelligenza Artifizietà, ocajions e risesc**

**[Ladino] I efec de l'intelligenza artifizietà (AI) su l'Euregio Tirol-Südtirol-Trentin e sui Comuns l'é stat l'argument del Di del Tirol che l'é stat tegnù en domenia ai 18 de aost al Forum european de Alpbach (EFA). A l'inaudazion e a la zerimonia col president de l'Euregio e de la Provinzia autonoma de Busan, Arno Kompatscher, l'capitan del Tirol, Anton Mattle, l'president de la Provinzia autonoma d Trent, Maurizio Fugatti, e l'president de l'EFA Andreas Treichl, l'é stat portà dant ence l'Euregio Summit aló dal Zenter per i Congress de Alpbach. I esperc i à rejonà de tematices etiches, segurezza e efec sozièi e de coche l'AI la pel vegnir durèda te l'aministrations publiches. Duc a una col giudizie: l'AI la é jà do a aer efec concrec su la sozietà, su l'economia e su l'etica. La raprejeta na ocajion per l'Euregio, ma la cogn vegnir valutèda criticamenter e veduda te na perspètiva che carenea fajan referiment a profesjonis e aldò di standard internazionèi.**

“L'intelligenza artifizietà la pel vegnir tutta su con n gran cruzie o co na drete gaissa. La moda miora la é tel mez”, l'à declarà Kompatscher. “L'AI la pel miorèr noscia vita e dèr soluzions ai problemes che amò no cognoscion. N comportament out al ‘vedaron’, aboncont, l'pel esser e risech ajache demò la logica de l'AI no la amet compromisc. Cognon meter ju la linees de guida chières e no perder mai de tegnir sot eie l'faktor uman”.

L'president Fugatti te so salut l'à sotriassà che a Alpbach “l'vegn rejonà de storia e de davegnir, l'vegn rejonà de tradizion e de inovazion e la tematices toutes dant les sotrissea l'unità anter i trei teritories”. A propojit de la tematica portèda dant te la scontrèda de anché l'president l'à ence comentà: “Desche per ogni altra neva, l'intelligenza artifizietà la se porta do dubies desvalives, ocajions e risesc, e per la interpretèr al miec ogneun de nos - sentadins, aziendes, aministrations publiches – l'é chiamà a la cognoscer e a se fèr na coscienza. Tel Trentin la enrescida su l'AI la é peèda via acà carant'egn, deleite de na gran scometuda portèda dant anchecondi da la Fondazione Bruno Kessler. Tel temp la se à concretisà te soluzions prateghes al servije del mond agricol e produtif. Sono segur donca che nesc teritories, forc de sia competenzes, i sarà bogh de tor su la ocajions che chesta neva endesfida la met dant a l'umanità e i podarà ge vardèr al davegnir co neva gaissa”.

L'capitan Mattle l'à recordà che “per ruèr a na दौरa segura de l'AI se cogn tegnir cont de costions etiches e sozièles e veder ite i risesc potenzièi. Ma cognon ence aer l'coraje de tor su chesta neva tecnologia, che la è destinèda a restèr e a no se desfanter, e a la sfruter a nosc ben”.

Tel di del Tirol l'è peà via ence l'EuregioLab: te chisc dis che vegn na ventina de esperc i se Confrontarà en cont de la दौरa de l'AI te l'Euregio.

**Fotoservije e imagines a cura de Euregio**

**Download imagines e intervistes [chiò](#)**

<https://www.youtube.com/watch?v=uHXQ-GvZV1Y&t=1s>

<https://www.youtube.com/watch?v=FrEf9hCT32c&t=1s>

**Traduzion di Servijes Linguistics e Culturèi del Comun general de Fascia**

(cdt)